

Қазақстан Республикасы Қарулы Күштерінің әскери медицина маманын даярлау қағидаларын бекіту туралы

Қазақстан Республикасы Қорғаныс министрінің 2017 жылғы 24 тамыздағы № 483 бұйрығы. Қазақстан Республикасының Әділет министрлігінде 2017 жылғы 26 қыркүйекте № 15753 болып тіркелді.

Ескерту. Тақырыбы жаңа редакцияда - КР Қорғаныс министрінің 19.07.2024 № 749 (алғашқы ресми жарияланған күнінен кейін құнтізбелік он күн өткен соң қолданысқа енгізіледі) бұйрығымен.

"Қазақстан Республикасының қорғанысы және Қарулы Күштері туралы" 2005 жылғы 7 қаңтардағы Қазақстан Республикасы Заңының 22-бабы 2-тармағының 26-18) тармақшасына сәйкес **БҰЙЫРДАМЫШ**:

1. Қоса беріліп отырған Қазақстан Республикасы Қарулы Күштерінің әскери медицина маманын даярлау қағидалары бекітілсін.

Ескерту. 1-тармақ жаңа редакцияда - КР Қорғаныс министрінің 19.07.2024 № 749 (алғашқы ресми жарияланған күнінен кейін құнтізбелік он күн өткен соң қолданысқа енгізіледі) бұйрығымен.

2. Қазақстан Республикасы Қорғаныс министрлігінің Білім және ғылым департаменті Қазақстан Республикасының заңнамасында белгіленген тәртіппен:

1) осы бұйрықты Қазақстан Республикасының Әділет министрлігінде мемлекеттік тіркеуді;

2) осы бұйрықтың көшірмесін мемлекеттік тіркелген күннен бастап құнтізбелік он күн ішінде қағаз және электрондық түрде қазақ және орыс тілдерінде Қазақстан Республикасы нормативтік құқықтық актілерінің эталондық бақылау банкіне енгізу үшін Қазақстан Республикасы Әділет министрлігінің "Республикалық құқықтық ақпарат орталығы" шаруашылық жүргізу құқығындағы республикалық мемлекеттік кәсіпорнына жолдауды;

3) осы бұйрықты алғашқы ресми жарияланғанынан кейін Қазақстан Республикасы Қорғаныс министрлігінің интернет-ресурсында орналастыруды;

4) мемлекеттік тіркелген күннен бастап құнтізбелік он күн ішінде осы тармақтың 1), 2) және 3) тармақшаларында көзделген іс-шаралардың орындалуы туралы мәліметтерді Қазақстан Республикасы Қорғаныс министрлігінің Заң департаментіне жолдауды қамтамасыз етсін.

3. Осы бұйрықтың орындалуын бақылау Қазақстан Республикасы Қорғаныс министрінің жетекшілік ететін орынбасарына жүктелсін.

Ескерту. З-тармақ жаңа редакцияда - КР Қорғаныс министрінің 20.08.2021 № 554 (алғашқы ресми жарияланған күнінен кейін құнтізбелік он күн өткен соң қолданысқа енгізіледі) бұйрығымен.

4. Осы бұйрық лауазымды адамдарға, оларға қатысты бөлігінде жеткізілсін.
5. Осы бұйрық алғашқы ресми жарияланған күнінен кейін құнтізбелік он күн өткен соң қолданысқа енгізіледі.

Қазақстан Республикасының

Қорғаныс министрі
генерал-полковник

C. Жасұзаков

"КЕЛІСІЛДІ"

Қазақстан Республикасының

Денсаулық сақтау министрі

Е. Біртанов

2017 жылғы " ____ "

Қазақстан Республикасы

Қорғаныс министрінің

2017 жылғы 24 тамыздағы

№ 483 бұйрығымен

бекітілген

Қазақстан Республикасы Қарулы Күштерінің әскери медицина маманын даярлау қағидалары

Ескерту. Қағидалар жаңа редакцияда - КР Қорғаныс министрінің 19.07.2024 № 749 (алғашқы ресми жарияланған күнінен кейін құнтізбелік он күн өткен соң қолданысқа енгізіледі) бұйрығымен.

1-тaraу. Жалпы ережелер

1. Осы Қазақстан Республикасы Қарулы Күштерінің әскери медицина маманын даярлау қағидалары (бұдан әрі – Қағидалар) Қазақстан Республикасы Қарулы Күштерінің әскери медицина маманын даярлау тәртібін айқындайды.

2. Осы Қағидаларда мынадай анықтамалар қолданылады:
 - 1) әскери резидент-дәрігер – медициналық ұйым тәлімгерінің қадағалауымен резидентураның білім беру бағдарламасы шенберінде оқитын әскери қызметші;
 - 2) әскери интернатура – жоғары әскери оқу орнының құрылымдық бөлімшесі жүзеге асыратын клиникалық практикаға рұқсат алу үшін базалық жоғары медициналық білім беру шенберінде әскери қызметшіні клиникалық мамандық бойынша даярлау нысаны;
 - 3) әскери интерн – әскери интернатурада оқитын әскери қызметші;
 - 4) әскери-медициналық факультет – базалық жоғары және (немесе) жоғары оқу орнынан кейінгі медициналық білім беру шенберінде медицина маманын даярлауға

арналған Қазақстан Республикасының Қорғаныс министрлігіне ведомстволық бағынысты жоғары әскери оқу орнының құрылымдық бөлімшесі;

- 5) докторант – докторантурада білім алатын әскери қызметші;
- 6) магистрант – магистратурада білім алатын әскери қызметші;
- 7) резиденттура базасы – денсаулық сақтау саласындағы уәкілетті орган белгілеген тәртіппен базасында резиденттура бағдарламасы іске асырылатын медициналық ұйым ретінде аккредиттелген денсаулық сақтау саласындағы білім беру үйіміндең клиникасы, университет ауруханасы, ұлттық орталық, ғылыми орталық немесе ғылыми-зерттеу институты;
- 8) тәлімгер – медициналық білім беру бағдарламасы бойынша білім алушыны және жас маманды кәсіптік бейімдеуде іс жүзінде көмек көрсету үшін медициналық ұйымынң немесе медициналық білім беру үйімінің басшысы тағайындастын, білім берудің, ғылым мен практиканың үштүғырлығы негізінде қызметті жүзеге асыратын кемінде бес жыл өтілі бар медицина қызметкери.

3. Осы Қағидаларға сәйкес Қазақстан Республикасы Қарулы Күштерінің әскери медицина маманын даярлау:

- 1) жоғары медициналық білім беру бағдарламасы бойынша;
- 2) әскери интернатурада;
- 3) жоғары оқу орнынан кейінгі медициналық білім беру бағдарламасы бойынша жүзеге асырылады.

4. Әскери медицина маманын даярлау Қазақстан Республикасы Денсаулық сақтау министрінің 2022 жылғы 4 шілдедегі № ҚР ДСМ-63 бұйрығымен бекітілген (Нормативтік құқықтық актілерді мемлекеттік тіркеу тізілімінде № 28716 болып тіркелген) Денсаулық сақтау саласындағы білім беру деңгейлері бойынша мемлекеттік жалпыға міндettі стандарттарға (бұдан әрі – денсаулық сақтау саласындағы білім берудің мемлекеттік жалпыға міндettі стандарттары), Қазақстан Республикасы Қорғаныс министрінің 2017 жылғы 18 қыркүйектегі № 529 қбп бұйрығымен бекітілген (Нормативтік құқықтық актілерді мемлекеттік тіркеу тізілімінде № 15866 болып тіркелген) Қазақстан Республикасының Қорғаныс министрлігіне ведомстволық бағынысты әскери оқу орындары қызметінің қағидаларына және Қазақстан Республикасы Қорғаныс министрінің 2020 жылғы 5 тамыздағы № 370 қбп бұйрығымен бекітілген (Нормативтік құқықтық актілерді мемлекеттік тіркеу тізілімінде № 21064 болып тіркелген) Қазақстан Республикасының Қорғаныс министрлігіне ведомстволық бағынысты әскери оқу орындарында жүзеге асырылатын білім беру бағдарламалары бойынша мамандықтар мен біліктіліктер тізбесіне сәйкес жүзеге асырылады.

2-тарау. Қазақстан Республикасы Қарулы Күштерінің әскери медицина маманын даярлау тәртібі

1-параграф. Жоғары медициналық білім беру бағдарламасы бойынша әскери медицина маманын даярлау

5. Жоғары медициналық білім беру бағдарламасы бойынша әскери медицина маманын даярлау жоғары білімнің білім беру бағдарламасын іске асыратын Қазақстан Республикасының Қорғаныс министрлігіне ведомстволық бағынысты әскери оқу орнында (бұдан әрі – әскери институт) жүзеге асырылады.

6. Жоғары медициналық білім беру бағдарламасы бойынша әскери медицина маманын даярлау үшін азаматтарды іріктеу "Тиісті деңгейдегі білім беру бағдарламаларын іске асырып жатқан Қазақстан Республикасының Қорғаныс министрлігіне ведомстволық бағынысты әскери оқу орындарына оқуға қабылдау қағидаларын бекіту туралы" Қазақстан Республикасы Қорғаныс министрінің 2016 жылғы 22 қаңтардағы № 35 бұйрығының талаптарына сәйкес (Нормативтік құқықтық актілерді мемлекеттік тіркеу тізілімінде № 13268 болып тіркелген) конкурстық негізде жүзеге асырылады (бұдан әрі – Оқуға қабылдау қағидалары).

Конкурстық іріктеуден өткен азаматтар әскери институттың әскери-медициналық факультетінің курсанты болып қабылданады.

7. Әскери-медициналық факультеттің курсантын жоғары медициналық білім беру бағдарламасы бойынша даярлау денсаулық сақтау саласындағы білім беру ұйымының (бұдан әрі – медициналық ЖОО) базасында шарт негізінде жүзеге асырылады.

Әскери институтта курсант әскери және әскери-медицинскандық пән бойынша даярлықтан өтеді.

8. Әскери институтқа түсken курсант оқуға түсу кезінде қолданыста болған денсаулық сақтау саласындағы білім берудің мемлекеттік жалпыға міндетті стандарттарына сәйкес білім беру бағдарламасы бойынша білім алады.

9. Курсантты даярлау жалпы орта білімнің жалпы білім беретін оқу бағдарламасы, техникалық және кәсіптік білім, орта білімнен кейінгі білім, жоғары білім базасында жүзеге асырылады.

10. Оқу процесін ұйымдастыру мәселелері бойынша құжаттаманы (жұмыс оқу жоспарын, пән бойынша жұмыс оқу бағдарламасын (силабусты), жеке оқу жоспарын, сабак кестесін) әскери институт әзірлейді және медициналық ЖОО-ның уәкілетті лауазымды адамдарымен келісіледі және мемлекеттік жалпыға міндетті білім беру стандартына өзгерістер ескеріліп қайта қаралады.

11. Әскери институт білім беру мазмұнын, оқу процесін ұйымдастыру және жүргізу тәсілін жоспарлауды кредиттік оқыту технологиясы негізінде дербес жүзеге асырады.

Әскери институт академиялық кредит көлемін семестрге (триместрге, тоқсанға) дербес бөледі. Пән бір немесе бірнеше академиялық кезеңде іске асырылады.

12. Медициналық пәнді оқытуға қатысты бөлігінде оқу, әдістемелік және ғылыми жұмысты, үлгерімді ағымдағы, аралық бақылау, аралық және қорытынды аттестаттау

нысаны мен жүргізілуін ұйымдастыру медициналық ЖОО-ның мұдделі құрылымдық бөлімшесімен бірлесіп жүзеге асырылады.

13. Оқу мерзімі менгерілген академиялық кредит көлемімен айқындалады. Академиялық кредиттің белгіленген көлемін менгерген және тиісті дәреже алу үшін күтілетін оқу нәтижесіне қол жеткізген кезде білім беру бағдарламасы толық менгерілген болып саналады.

14. Эскери-медициналық факультет курсантына денсаулық сақтау саласындағы білім берудің мемлекеттік жалпыға міндепті стандарттарына сәйкес білім беру бағдарламаларын аяқтағаннан кейін медициналық ЖОО-ның дипломы беріледі, оқудың бесінші жылын аяқтағаннан соң "медицина қызметінің лейтенанты" эскери атағымен бірге эскери институттың дипломы беріледі.

15. Курсантты оқудан шығару "Білім туралы" Қазақстан Республикасы Заңының 41-бабы 1-тармағының 4-1) тармақшасына сәйкес білім беру ұйымының жарғысында (бұдан әрі – білім беру ұйымының жарғысы) көзделген негіз бен тәртіп бойынша жүзеге асырылады.

2-параграф. Эскери медицина маманын эскери интернатурада даярлау

16. 2021 жылға дейін қоса алғанда, эскери институтқа түсіп, интернатура бағдарламасы бойынша оқуды жалғастырудың, сондай-ақ медициналық білімнің үздіксіз интеграцияланған білім беру бағдарламасының алтыншы курсында білім алушы курсант эскери интернатураға қабылданады және эскери интерн лауазымына тағайындалады, онымен эскери институт бастығы эскери интернатурады оқу мерзіміне және оны аяқтағаннан кейін эскери қызметтің он жылына жаңа келісімшарт жасайды.

17. Азаматтарды эскери интернатурада даярлау үшін іріктеу Оқуға қабылдау қағидаларына сәйкес конкурстық негізде жүзеге асырылады.

18. Эскери интерні даярлау "Медицина кадрларын интернатурада даярлау қағидаларын бекіту туралы" Қазақстан Республикасы Денсаулық сақтау министрінің 2018 жылғы 18 қыркүйектегі № ҚР ДСМ-16 бұйрығына (Нормативтік құқықтық актілерді мемлекеттік тіркеу тізілімінде № 17534 болып тіркелген) сәйкес медициналық ЖОО базасында шарт негізінде жүзеге асырылады.

Эскери институтта эскери интерн эскери және эскери-медициналық пән бойынша даярлықтан өтеді.

19. Эскери интернатура бағдарламасы бойынша оқуын жалғастырушы эскери қызметші эскери интерн ауыспалы құрамының эскери лауазымында эскери қызмет өткереді.

20. Денсаулық сақтау саласындағы білім берудің мемлекеттік жалпыға міндепті стандарттарына сәйкес оқу уақытында эскери интерн:

- 1) жеке жұмыс жоспарын орындауды;

2) тиісті пән бойынша бағдарламада көзделген емтиханды, аралық аттестаттауды, қорытынды аттестаттауды тапсырады;

3) жүргілген жұмыс туралы толық есеп береді.

21. Эскери интернге әскери интернатура бағдарламасы бойынша оқуды аяқтағаннан кейін интернатураны бітіргені туралы куәлік беріледі.

22. Эскери интернді оқудан шығару білім беру үйымының жарғысында көзделген негіз берілген тәртіп бойынша жүзеге асырылады.

3-параграф. Жоғары оқу орнынан кейінгі медициналық білім беру бағдарламасы бойынша әскери медицина маманын даярлау

23. Жоғары оқу орнынан кейінгі медициналық білім беру бағдарламасы бойынша әскери медицина маманын даярлау жоғары оқу орнынан кейінгі білімнің білім беру бағдарламасын іске асыратын Қазақстан Республикасының Корғаныс министрлігіне ведомствоның бағынысты әскери оқу орнында (бұдан әрі – университет) жүзеге асырылады.

24. Эскери медицина маманын даярлау үшін әскери қызметшіні іріктеу Оқуға қабылдау қағидаларының талаптарына сәйкес конкурстық негізде жүзеге асырылады.

Конкурстық іріктеуден өткен әскери қызметші университетке қабылданады және магистрант немесе докторант не әскери дәрігер-резидент лауазымына тағайындалады.

25. Эскери медицина кафедрасының әскери дәрігер-резиденті, магистранты, докторанты университетте әскери және әскери-медициналық пән бойынша даярлықтан өтеді.

26. Жоғары оқу орнынан кейінгі білім беру бағдарламасы бойынша әскери дәрігер-резидентті, магистрантты, докторантты даярлау жоғары және (немесе) жоғары оқу орнынан кейінгі білім беру үйымында денсаулық сақтау саласындағы білім беру үйымының аккредиттелген клиникасында, университет ауруханасында, сондай-ақ резидентура базасы ретінде аккредиттелген ұлттық және (немесе) ғылыми орталықта, ғылыми-зерттеу институтында шарт негізінде жүзеге асырылады.

27. Резидентурада даярлау таңдалған мамандық бойынша медициналық көмек көрсетудің тиісті деңгейіне сәйкес резидентура базасында тиісті клиникалық және практикалық тәжірибе алу үшін практикалық жұмысты қамтиды.

28. Резидентураның білім беру бағдарламасы бойынша оқуды аяқтаған және қорытынды аттестаттаудан сәтті өткен адамға резидентураның тиісті мамандығы бойынша "дәрігер" біліктілігі беріледі және резидентураны бітіргені туралы куәлік беріледі.

29. Резидентурада оқу мерзімі үлгілік оқу жоспарына сәйкес менгерілген академиялық кредит көлемімен айқындалады. Академиялық кредиттің белгіленген көлемін менгеру және резидентураның тиісті мамандығы бойынша дәрігер біліктілігін беру үшін оқытуудың күтілетін нәтижесіне қол жеткізу кезінде резидентураның

медициналық мамандық бойынша бағдарламаның оқу жүктемесінің көлеміне қойылатын талаптарға сәйкес резидентураның білім беру бағдарламасы толық менгерілген болып саналады.

30. Оқу жүктемесі деңсаулық сақтау саласындағы білім берудің мемлекеттік жалпыға міндетті стандарттарына сәйкес магистранттың магистратураның оқу пәнін, модулін немесе барлық білім беру бағдарламасын зерделеуіне және магистратураның білім беру бағдарламасында белгіленген оқу нәтижесіне қол жеткізуіне қажетті уақытпен өлшенеді.

31. Магистратурада кадрды даярлау екі бағыт бойынша жоғары білімнің білім беру бағдарламасы базасында жүзеге асырылады:

- 1) ғылыми-педагогикалық – оқу мерзімі кемінде екі жыл;
- 2) бейінді – оқу мерзімі кемінде бір жыл.

32. Оқу жүктемесі деңсаулық сақтау саласындағы білім берудің мемлекеттік жалпыға міндетті стандарттарына сәйкес докторанттың докторантуралың оқу пәнін, модулін немесе барлық білім беру бағдарламасын зерделеуіне және докторантуралың білім беру бағдарламасында белгіленген нәтижеге қол жеткізуіне қажетті уақытпен өлшенеді.

Докторантурада кадрды даярлау кемінде үш жыл оқу мерзімімен магистратура мен резидентураның білім беру бағдарламасы базасында жүзеге асырылады.